



Progjet promovût di 'Il Friuli' e 'ARLeF'

TANT PAR RIDI



Savêso cuâl che al è il colm pal Arc di Sant Marc?
Cumbinânt di ducj i colôrs.



VOIE DI SCUVERZI IL MONT

Une di, a Vigji i vigni voie di fâ un sbalç de terace di cjase, par lâ a scuvierzi il mont difûr e a nasicjâ ator pal curtîl. Vigji nol jere usât a jessi e nol saveve che a esistessin lis stradis cul trafic. Al jere une vore spaurît, ma la voie di cognossi puescj gnûfs e jere tant plui grande de pôre. Cjapât de curiositât, al petâ un salt e vie tal curtîl! No i pareve vêr di viodi ce che al jere difûr... Di fat, chê e jere la prime volte che al jessive di cjase e dut al jere gnûf par lui: ce biel platâsi sot des plantis crodint di no jessi viodût, ma lis sôs orelis a comparivin di daûr di une cise. E ce maravee par lui scuvierzi ogni cjanton dal curtîl! Dentrei dai vâs al sgarfave di gust, fasint grandis busis te tiere; si faseve lis ongulis intor di un grant rôl gjoldint come un mat, stant che in cjase chel zûc jal vevin proibît in chê volte che al veve provât a fâlu su la fodre dal sofâ. Tal zardin, al veve ancje scuvierci di jessi un brâf cjaçadôr: cun abilitât al jere rivât adore a cjaçâ une lungje lisierte, doi ragns e une piçule pudiese. (al va indenant...)

LIS AVENTURIS DI VIGJI

CJANTIS, FILASTROCJIS, POESIIS

Une di, e je passade a tucâ su la puarte de mê cjasute Arianna Plazzotta, une insegnante di educazion musicâl. E à sunât il campanel par domandâmi une ombrene, par vie che fûr al ploveve e jê e veve un biel toc di strade di fâ a pît prime di tornâ a cjase sô. Cuan che e je jentrade te mê cjasute e e à viodude la pianole, e à scomençât a sunâ la cjançon dai colôrs dal Arc di Sant Marc. E subit dopo, come par magjie, l'arc di Sant Marc al è comparît tal cil. Insieme o vin cjançât la cjançon dai colôrs dal Arc di Sant Marc e dopo le vin ancje sunade.



COLÔRS
Zâl limon e la mimose pierçolâr colôr di rose vert sclopit, salate e mente rosse triscule ti tente a son maron cjadreis e bance la nuvice dute blancje cul celest a son sul Arc che si clame di Sant Marc

(Peraulis di Arianna Plazzotta, musiche di Arianna Plazzotta e Chiara Vidoni. Tirade fûr dal libri "Cjantutis par fruts", Societât Filologjiche Furlane)

ZÛCS cui gjenitôrs

coleghe cuntune frece la peraule al ogjet just

Limon

Arc di Sant Marc

Pierçolâr

Triscule

Cjadreis

Nuvice



LA DETULE DAL DI
ARC DI SANT MARC DI SERE, BON TIMP SI SPERE.

LU SAVEVISO CHE...?

■ L'Arc di Sant Marc al è difil che si formi a misdi. Di fat, al è un fenomen di rifrazion de lûs che e passe pes gotutis di aghe, e che dopo si pant tant che une schirie di arcs di colôrs diferents tal cil. L'arc di Sant Marc al pues però disvilupâsi dome cuant che i rais dal soreli a batin su lis gotis di aghe cuntune inclinazion di cirche 42 grâts. Par chest, i moments miôr par viodilu tal cil a son o la buinore o il dopomisdì sul tart.

Pagjinis curadis di Daria Miani
Consulente linguistiche de ARLeF



RICETIS - Master Cogo Furlan

STECES "ARC DI SANT MARC"

Par preparâ i stecs Arc di Sant Marc o vês dibisugne di:

- Une confezione di freulis
- Un mandarin
- Un miluç
- Un ananas
- Un rap di ue blancje
- Un rap di ue nere
- Un rap di ue rosade
- 100 grams di cerniculis

Mi racomandi, prime di scomençâ: lavaitsi simpri lis mans; metêt lis

manecis tes mans, un grumâl intor par no sporçjâsi, un cjapiel di cogo par no pierdi cjavei inte pignate, e fasêtsi simpri judâ di un grant par ducj i passaçs.

Sêso pronts? Alore scomencin!

Par fâ i stecs Arc di Sant Marc o vês dibisugne ancje di:

- Une grampe di stechedincj luncs
- Un curtis

Domandait a un grant di taiâ vie il pecol des freulis e impirait lis freulis tai stechedincj.

Gjavait la scusse al mandarin e dividêtu a fetutis, po dopo impirait lis fetutis di



mandarin tai stecs.

Domandait a un grant di taiâ a piçui cuadrei il miluç e impiraitju tai stechedincj.

Domandait a un grant di taiâ a cuadreluts l'ananas e impiraitju tai stechedincj.

Gjavait i asins di ue blancje e impiraitju tai stechedincj.

Gjavait i asins di ue nere e impiraitju tai stechedincj.

Gjavait i asins di ue rosade e impiraitju tai stechedincj.

Impirait insom une cernicule.

Bon pitic!
Imagjin gjavade dal sît: <https://silvarigobello.com>



"Tinde tal bosc. Cjantis e contis pai frutins", di Arianna Plazzotta, par cure di Marisa Comelli, Editrice Leonardo, Pasion di Prât.

99 PERAULIS



"99 Peraulis. Fovelâ cul mont. Parlare col mondo. Talking to the world", di Silvana Schiavi Fachin, Futura edizioni, realizât in colaborazion cun ARLeF

Ce isal?

Met tal puest just dutis lis tessaris inte gridele chi sot.




Sudoku

Il Sudoku al è tant che une scachiere, dividude in 4 cuadrâts, cun 16 caselis, 4 riis orizzontâls e 4 verticâls. Il fin al è chel di jemplâ ogni rie, ogni colone e ogni cuadrât cui 4 simbui, cence mai ripetisi.

☀	☾			☾			☀
			☀	☆	☀		
☾	☆		☼			☼	
	☀	☆				☾	

Cjate la ombre juste

Rivistu a ricognossi la ombre juste tra lis 4 a disposizion?



ARLeF

Maman!

cun **Daria Miani** e tancj ospits in ogni pontade

Ogni vinars aes 17.45
miercus aes 17.45
e domenie aes 7.15